

Resolución do tribunal designado para xulgar o proceso selectivo para a provisión de catro prazas do corpo administrativo do Parlamento de Galicia, das cales unha está reservada á quenda de persoas con discapacidade, pola cal se fai pública a data, a hora e o lugar de realización do terceiro exercicio.

O tribunal nomeado pola Resolución da Presidencia, do 12 de novembro de 2024 (*BOPG* núm. 115, do 13 de decembro de 2024), para cualificar o proceso selectivo para a provisión de catro prazas do corpo administrativo do Parlamento de Galicia, das cales unha está reservada á quenda de persoas con discapacidade, convocado polo Acordo da Mesa do Parlamento do 9 de abril de 2024, (*BOPG* núm. 15, do 22 de abril de 2024, e no *DOG* núm. 79, do 22 de abril de 2024), acordou que, de conformidade co disposto na base 6.1.3, **o terceiro exercicio**, ao que están obrigados os aspirantes que se relacionan no anexo, **realizarase o mércores día 19 de marzo de 2025**, na biblioteca Carballo Calero, na planta 0 do edificio do Parlamento de Galicia na rúa Hórreo nº 63 de Santiago de Compostela en **chamamento único**.

ACCESO

O acceso dos aspirantes ao recinto realizarase polo portón da reixa, que está na parte baixa da rúa do Hórreo e deberán dirixirse por dentro do recinto cara á marquesiña da fachada sur do edificio.

Dentro do edificio, o persoal da institución acompañará os aspirantes á zona de espera para o chamamento no corredor que dá acceso á biblioteca.

O chamamento iniciarase **ás 10.00 horas**. As persoas aspirantes deberán ir provistas do documento nacional de identidade (DNI) ou de documento fidedigno acreditativo da súa identidade, a xuízo do tribunal, e de **bolígrafo negro**. Comprobaranse as identidades das persoas aspirantes e serán acompañados ata o lugar onde tomarán asento para realizar o exercicio.



A chamada será efectuada por orde alfabética do primeiro apelido. Na sala onde se desenvolverá o exercicio non estará permitido usar ningún tipo de reloxo, de dispositivo que emita ou reciba radiofrecuencias, de teléfono móbil ou de calquera outro dispositivo electrónico, agás os explicitamente aprobados polo tribunal por razóns médicas acreditadas de maneira individual. Este tipo de dispositivos deberán permanecer desactivados e gardados ou depositados no chan durante todo o desenvolvemento das probas.

O documento identificador con foto deberá deixarse á vista do tribunal, enriba da mesa do aspirante durante toda a realización do exercicio. O tribunal poderá comprobalo en calquera momento.

Todas as persoas aspirantes deberán manter os pavillóns auditivos despexados para verificar que non usan dispositivos non permitidos e, se é o caso, para permitir que se poidan inspeccionar.

DURACIÓN

A duración do exercicio será de 60 minutos. Non se poderá saír da sala de realización do exercicio durante o seu desenvolvemento. En ningún caso se poderá entregar a folla de exame e saír antes de transcorrer os primeiros 15 minutos desde o comezo do exercicio.

O tribunal avisará cando resten 10 minutos e de novo cando resten 5 minutos para o remate do tempo. Nese momento, as persoas presentes deberán entregar o exercicio e abandonar a sala, ou ben esperar a que o tribunal separe as follas identificativas das follas de respostas.

DESENVOLVEMENTO

O cuestionario constará de 30 preguntas tipo test e de 2 preguntas máis de reserva. Das catro respostas posibles a cada pregunta só haberá unha correcta. O cuestionario recollerá contidos relacionados cos niveis funcionais da lingua (léxico, sintáctico e gramatical) correspondentes ao nivel Celga 4. Deberanse marcar, **con bolígrafo negro**, as respostas que se consideren

correctas tal como se indica na folla de exame que se facilitará xunto co cuestionario.

A folla de exame, que ten incorporada unha folla amarela de copia, constará de dúas partes: unha parte no lado esquerdo, onde se consignarán os datos persoais e outra parte no lado dereito, onde se marcarán as respostas ao cuestionario e na cal non se poderá efectuar ningún tipo de escritura nin ningunha outra marca ou sinal distinta das marcas das respostas. As dúas partes mencionadas serán separadas polo tribunal ao finalizar a proba.

Non será posible anular ou rectificar as respostas na folla de exame; por tanto, recoméndase marcalas previamente no cuestionario e trasladalas á folla de exame despois de as revisar.

O exercicio valorarase como apto/a ou non apto/a. Será preciso contestar correctamente 16 ou máis preguntas para superalo e así obter a valoración de apto/a.

Non serán valoradas as preguntas sen responder nin tampouco aquelas en que as marcas ou correccións efectuadas ofrezan a conclusión de «non haber opción de resposta» válida. Tampouco serán valoradas as respostas marcadas fóra das celas.

Ao remataren e entregaren o exercicio, as persoas aspirantes só poderán sacar da sala a copia amarela coas súas respostas, xa que o **cuestionario se deberá entregar ao tribunal**, xunto coa folla de respostas.

O cuestionario, xuntamente coas respostas correctas, publicarase no portal web corporativo nas vinte e catro horas seguintes á finalización do exame.

Santiago de Compostela, 13 de marzo de 2025

A presidenta do tribunal

ANEXO

Proceso selectivo para a provisión de catro prazas do corpo administrativo do Parlamento de Galicia

RELACIÓN DAS PERSOAS QUE ESTÁN OBRIGADAS A REALIZAR O TERCEIRO EXERCICIO O DÍA 19 DE MARZO DE 2025

Nº	Apelidos	Nome	DNI
1	ABELLEIRA CASTELEIRO	TAMARA CRISTINA.	***1429**
2	ÁLVAREZ CABANA	REGINA	***0089**
3	DA IGREXIA PREGO	MARÍA LUZ	***3456**
4	DIEZ FREIJEIRO	MARÍA SARA	***7930**
5	NÓVOA CASADO	JAVIER	***7084**
6	RODRÍGUEZ AFONSO	MARTÍN	***9522**